

## Dor Virus

Weil mir doch am Labn klebn  
muss mor obnds mol aa enn heb'n.

Su e Virus is geschocht,  
wenn mer den mit Whisky blocht.

Aa gegorner Rebsaft  
in gesundn Körper schafft.

Aa des Bier in grube Menge  
wird den Virus arg vorsenge.

Wodka, Rum un Aquavit  
kaltn Herz un Lung fei fit.

Calvados un aa dor Grappa  
kalfn Mutti un in Papa.

Jeck will hier net for Trunksucht warbn,  
doch nicktern will ieck aa net starbn!

von Heinz Erhardt

(un ins gebirgische wie immer vun Schmidt)




# Unner Blatt`l



Nummer  
203

Mitteilungsblatt des  
Erzgebirgischen Heimatvereines  
Eibenstock e.V.

Februar  
2022



*Unner Reuterbarg an Silvesternochmittich 2021*



## FAHRDIENST

Wer am 10.02.2022 abgeholt und auch **wieder nach Hause**  
gefahren werden will, der möchte bitte bis 17:00 Uhr anrufen:

**Uta Schmidt, Tel.: 2395**



Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141  
Internet:  
www.heimatverein-eibenstock.de

Bankverbindung:  
Erzgebirgssparkasse  
IBAN: DE90 8705 4000 3892 2072 58  
BIC: WELADED1STB

## Dor 1. Abschnitt vu unnern Bargbaulehrpfad is nu fertich



Schu fertich? Eigeweiht ham mir den doch schu in Juli! Des stimmt schu, aber do warn noch e schiens paar Dingle zu dorledign. Do mußt noch de Beschildering aständig hargericht warn mit Text in Deutsch, Tschechich un English, su wie siech des for su e richtsches Montan-Weltkulturerb abn gehärt. Un dann gibt's halt immer noch e paar Arbitn, die mor erscht esu richtig sieht, wenn die Sach vora kumme is. Do is dortn noch ewos ze richtn, do muss noch bissl aufgeräimt warn, aber itze is des fix un fertich!

Fix un fertich? De Bauerei of jedn Fall – aber itze kimmt de Orachning vu den Haufn an Fördergalder mit de Leit vu unnern Landratsamt, do muss allis bis ofn letztn Pfeng stimme. Dodorzu noch e ganzer Barg Papierkram vu de aanzelne Rachninge bis zu nern ewich grußn un ausfierlign „Dokumentationsbericht“! Un wie mir des ganze präsentiert im Innet net esu viel Uhißische in Eimstock, aber des werd siech ja bestimmt (irgndwann) wieder eirichtn. Un trotzalledam – besucht is dar Pfad dorwagn ganz schie wurn, vu unnern hießichn Leitn un aa de Schuln ham ihre Kinner do na geschickt, die ham ja aa allerhand zen gutn Gelingen beigetrogn: de Holzschnitzln zen Spielplatz gebracht un den Wag lang mit bemolte Staale geschmickt!



For de beste Unnerstizung vu dor Stadtverwaltung un unnern Projektmänetcher, ne Thomas, möchtn mir uns schie bedankn!  
Eier Schmidt

## Wir gratulieren unseren Heimatfreunden

Ursula Baumann	am 18.02.	zum 68. Geburtstag
Frank Weiß	am 19.02.	zum 61. Geburtstag
Barbara Bochmann	am 20.02.	zum 64. Geburtstag



*In Krisenzeiten suchen Intelligente  
nach Lösungen,  
Idioten  
suchen nach Schuldigen.  
- Lorient -*

## Glückauf ihr Leit – wolln mers vorsuchn?

**Neier Aalauf – neies Glück!**  
**Mir traffn uns am Donnerstich,**  
**10.02.2022 um 18.Uhr**  
**im Spartnheim an dor Vudlstroß**  
**zur Kassnrevisjon, Wahl un**  
**net ze vorgassn, dor Fosnd!**  
**De 3 bestn Kostimle wern beluhnt!**  
**Teilnahme bitte bis zum 7.2.**  
**im Museum Tel.: 2141 melden!**



## **!!! Nochemol zen Merkn !!!**

**De jeweils geltendn Regeln müssn auf jeden Fall eingehaltn warn! Ungeimpfte ham ken Zutritt.**

**2G+ haaßt: G = geimpft**  
**G = geimpft oder genesn**  
**+ = Test**

**Wer 3 x geimpft is, also gebuustert, hat gar kaane Problemer, dar kaa ieberol hie!**



## Dor Wurzelrudi war in Drasdn



Des war ne absolut gute Idee mit dare Aktschjon „dasistmeinsachsen“! Unnere Schneeschuhfahrer warn dorwagn ganz schie durch den Virus un de Anordninge ins Abseits gerodn. Aber dodormit wurd e richtscher Schritt getaa, im unnere Adleralm wieder aufmachn ze kenne!

Do brauchts halt mannichsmol eweng Initsjative un genuch Mut, dann ka mor halt aa mol wos bewegn. Hut ab for de Uhlmanns, die siech bis nei unner Drasdn Rechierungszentrum gewogt un die Masse Bildle in Ministerpräsident perseenlichst ieberreich ham. Hoffntlich hält siech dar Virus vor uns alle, nu ball emol in Grenzn, dodormit de Lifter un de Pistn for de Grußn un de Kinner befahrn bleibn kenne. Tja, un noocherts brauchts halt aa noch guts Winterwatter mit Sonn un eweng schenn Schnee, hoffntlich!



## War schreibt, dar bleibt, oder su ähnlich...

War wass dä, wu des Ding emol stand? Des Ding is ne Musik-Box, die war emol in dor HO-Gaststätt Kulturhaus bein Ungermann gestandn. Do hab iech in meiner Juchnd (Iech war namlich aa mol gung) schiene Musik ahörn kenne. Des sei e paar vu den vieln Bildern, die iech durch den Aufruf im Auerschbargbotn kricht hab. Nu will iech do drierer emol – wenss gelingt – e klaans Büchl ieber unner alts Kulturhaus un de Freilichtbühn dorstelln. Des dauert aber noch e ganze Weil, do gibts noch viel ze recherschiern un ze dorkundn.



Fotos: Heydel



Ne ganz annere Sach is aber aa noch in Arbit: E Buch ieber den Werdegang vu unnerer ETR - Kapell, de „Eibenstocker Tanzrhythmiker“ vu 1957 bis – ja itze mit de letztn 2 Durchhaltemusikanten!

Des warn dozemol de Schildle, die jede Bänd an Bühnerand aufgestellt hat mit in Name drauf un dorhinner e Brattl for de Noten oder ne Text.



Schiene Zeitn warn des zen Familientanz in unnern Kulturhaus-saal. Ja, do gabs des noch: gung un alt gemeinsam bein Tanz! Un die ham siech vortrogn un Schlacher un aa mol in Walzer mit aagehört un getanzt. Des is heit udenkbar, wos machen dä die Leit heitzetog an Wochnenendn oder aa an Feiertogn?



Su, itze is genuch, iech muss an meine Büchle arbitn!  
Glückauf - eier Schmidt!

## Jahresplan 2022

In dare Zeit issis schu eweng schwär, in ordnlichn Plan fors Gahr zweezwanzich fix un fertich ze machn! Immer wieder gibt's neie Virusse un Regln dorzu. In erschn Hutznobnd mit Vürstandswahl un de Kass vu 21 orachne – also Revision – ham mir ja schu mol eiegießt! Aber trotzdem muss des noch ball emol sei un desserwagn hier erscht emol e paar Eckpünktle:

<b>10. Feb Wahl/Revision - Fasching -?</b>	<b>Vereinshaus bzw. Sparten- heim an der Vodelstraße ?</b>
<b>03. Mrz Bergbaulehrpfad</b>	<b>Vereinshaus Dia-Schau</b>
<b>07. Apr Betriebsbesichtigung Elektorwerkzeugbau</b>	<b>Vereinshaus</b>
<b>05. Mai Spieleobnd</b>	<b>Vereinshaus</b>
<b>16. Jun Mundartstammtisch mit Überraschungsgästen</b>	<b>Q-Stall</b>
<b>07. Jul Lusticher Grillobnd</b>	<b>?</b>
<b>04. Aug Kremser Sosa</b>	<b>Neuer Meiler/Ausstellung</b>
<b>03. Sep Ausfahrt nach Bautzen</b>	<b>Satdtrundgang / Senfmuseum Kloster Marienstern</b>
<b>08. Sep Wanderung Auersberg</b>	<b>Baudenabend Auersberg</b>
<b>?? Okt Bahnfahrt</b>	<b>Schwarzenberg-Annaberg?</b>
<b>03. Nov Basteln</b>	<b>Vereinshaus</b>
<b>08. Dez Weihnachtsfeier</b>	<b>Hotel "Am Bühl"</b>



Mir sei drauf aagewiesn, wie de Bestimmunge wettergenne, un su kenne mir erscht kurzfristig immer sogn, öb dor Obnd stattfindn kaa un wu dar sei derf. Des kriegn mir schu irngdewie hie, mir wölln uns ja sah un traffn, aber aa gesund bleibn dorbei! Is wird of jedn Fall allis vornewag neins Blattl geschriebn, su des e jeder zavor Beschaad wass.



De jeweils geltendn Regeln müssn auf jeden Fall eiehalt'n warn! Ungeimpfte ham ken Zutritt.

**2G+ haaßt: G = geimpft  
G = geimpft oder genesn  
+ = Test**

**Wer 3 x geimpft is, also gebustert,  
hat gar kaane Problemer, dar kaa  
ieberol hie!**

Iech frei miech of den Mundartstammtisch. Sölche Traffn gobs schu öfter irngdewu, nu wolln mir des aa mol bei uns ham. Do warn neie Gedichtle un Geschichtn vürgestellt un Musikantn sei aa dorbei. Des wird bestimmt e ganz lusticher Hutznobnd un den halt'n mir im Q-Stall ab, do is schie Platz un mir warn aa gut vorsorcht.

War vu eich war dä schu mol im neie klenn Meiler in dor Sose? Mir ham uns die Ausstellung mit den ganzn Drimrim um sune Kuhnmeiler aageguckt un saatn gelei: do miss mer mit unnern Verein in nächstn Sommer emol hie! Un mit de Witscher-Pfaarle als Kramserfahrt wär des noch emol su schie. Halt allezam in Daume, des des klappt!



Glückauf, neies Gahr zweezwanzich, eier Schmidt!